

دار الفنون

خفوق فافولتبر محمدی

مفوق ، اقتصادیات

ایکی آجہ برائش اولنور

مندرجات

قسم مفوق :

- بورجرل قانونہ نظراً (کفالتک انواع مختلفہ سی) حاجی عادل
 قانون جزائزہ کورہ جنت جودت فرید
 جمعیت اقوام وثیقہ لری (ادیب بک طرفدن ترجمہ ایدلشد)
 قسم اقتصادری :
 عثمانی استقراضلری ابراہیم فاضل

قانون جزا مزه كوره جنت

۱۲۷۴ تاريخخنده موقع مرعيتہ كوروب ۶۸ سنه قدر تطبيق ايديلان اسكي قانونه كوره جنت تعريف ايديله مش ويا لكز « مجرمك برجرمي حين ارتكابينده جنت حالنده بولنديني ثابت اولور ايسه مجازات قانونيه دن معاف » طوتيله جنی تصریح اولمیشدی .

اسكي قانونك زمان مرعيتنده مظنونك حين ايضاح جرمده حال جنتده اولديغنه دائر كرك كنديسي ووكيلي طرفندن برادعا سبقت ايتديكي و كرك انشاي تحقيقات و محاكمه ده حال و طورندن كنديسنك ملكات عقليه سنده اختلال و تشوش بولنديني كوردلديكي تقديرده كنديسي طيب عدلي به توديع اولنه رق تحت مشاهده به آتير و طيب طرفندن اختلال شعور حتمده مثبت بر جواب و يرلديكي حالده محكمه جه جزادن معافيتنه قرار و يرليردی .

ایتالیان قانونندن قسماً اقتباس ایديلن ۱۳ مارت ۱۹۱۶ تاريخلی یکی جزا قانونموزك ۲۶ نجی ماده سی معافیتی استلزام ایدن مظنونك جنت حالنی بروجه آنی تعريف ايتمشدر : « جرمی ايشله ديكي زمانده شعورینی ويا حرکاتنك سربستيسنی سلب ايده جك صورته روحی ضعفه مثلاً اولان كيমে سيه جزا و يريله من . » برنجی فقره

قانونك اشبو ماده سی ۱۸۸۸ تاريخلی ایتالیان جزا قانوننك ۴۶ نجی ماده سندن عیناً ترجمه اولنماشدر . ایتالیان قانوننك متناً ترجمه سی شودر :

« فعلی ايشله ديكي زمان شعورینی ويا اختيار و اراده سنك سربستيسنی سلب ايتديره جك درجه ده مرضی حالت عقليه به دوچار اولانلر جزا لنديريلز . »

ایتالیان قانونی دهها زیاده اليوم تطبيق ايديلمكده اولان آلمان جزا قانوننه بکزه مکده در . آلمان قانوننك ۵۱ نجی ماده سنده :

فعلك ارتكابی زمانده كندی سربست اراده و اختيارينك استعمالنی منع ايتديره جك برشكده مرضی بر اختلال اولورسه موجب جزا بر فعل یوقدر . »

ايشله ن بر فعلدن دولایی بر كيমে سيه جزا ويره بيلمك ایچون اول باول اوفعلك فاعله قابل اسناد ايديلمی ایجاب ايدر . فعلك فاعله قابل اسناد اولمی ديمك فعل ایله فاعل آره سنده مناسبت و ارتباط ديمك اولوب مثلاً بر ساخته كارلق فعلنك فاعله اسنادی ساخته ورقه بی یا اعمال ويا استعمال صورتيه ساخته كارلق جرمی فاعلك فعلی اولوق لازم كلیر .

فعلک فاعلہ سادہ قابل اسناد اولسی کافی اولیوب بوندن ماعدا اوفعلک حقوقی و جزائی
نتایجی فاعل جرمہ تحمیل ایتک ایجاب ایدر . بونظریہ دہ مسئولیت جزائیہ در . فعلک
مسئولیت جزائیہ بی موجب اولسی اول باول فعلک فاعلہ قابل اسناد اولسیلہ قائم اولسنہ
کورہ بر شخصہ اسناد جرم ایتدیکہ اوشخصک او جرمدن دولای مسئولیتی آراشدیرمق
ممکن اولماز .

فاعک جرمدن دولای مسئول اولوب اولمادیفی درجہ اخیرہ دہ تدقیق اولنہ جقدر .
بعضاً فاعلہ فعل اسناد ایدلمکله برابر اوندن دولای مسئولیت جزائیہ ایله کنندیسی معاتبہ
ایتک ممکن اولماز نتہ کم مجنون اختیار وارادہ سنہ مالک اولمادیفی جهتله ایشله دیکی جرمک
نتایجیله معاتبہ ایدیلہ من .

بویکی نظریہ دن بشقہ برده مجرمیت مسئلہ سی دہ تدقیق ایدلمکله سزادر . فاعل جرمہ
فعل اسناد ایدلمک و بوندن دولای مسئول طوتعلہ برابر فاعک مجرمیتی دہ تحقق ایتلیدر .
قواعد حقوقیہ دندرکہ برفعلک فاعلی جزالندیرمق ایچون فعل جرمی بی فاعک آرزو و اختیاریلہ
ایشله مش اولسی لازمدر . بناءً علیہ فاعک جزالندیرلمسندہ الک اول کنندیسنک مجرم اولوب
اولمادیفی تدقیق اولنلیدر .

بوسیدن دولای درکہ حاکم ہر فعلک ارتکابندہ فاعل دیہ کوستریلن کیسہ نک جرم
ایله علاقہ سی ، ایقاع اولان فعلک درجہ و حدودی و فاعک ایقاع ایلدیکی فعلدہ کی آرزو
و اختیار بی تدقیق ایدر .

مجرمیت بویکونکی جزائیونک قاعتنجہ جزانک شرطی در . مجرمیت و درجہ سی تحقق
ایتدیکہ نام و عادل بر جزانک تطبیقہ امکان حقوقی یوقدر .

حقوق موضوعہ جزائیہ نک الک بیوک بر قاعدہ سی درکہ ؛ بر شخص حقندہ مسئولیت
جزائیہ وار دیہ بیلیمک ایچون اوفعلی ایقاع ایدرکن فاعک بالاختیار حرکت ایتمش اولسی
ویا فعلک وقوعہ مانع اولہ حق و جہلہ کنندی اختیار وارادہ سی استعمال ایتہ مش بولنسی
لازمدر . اختیار وارادہ نک استعمالی حال طبیعیدہ بولان انسانلردہ علی العادہ بر شکلدہ
جریان ایلر اعضای بشرک ہر بری دہ کنندیسنہ خاص اولان وظائفی حرکات عضویہ بہ مالک
اولان دیگر اعضا ایله ہم آہنک اولہ رق علی العادہ بر صورتدہ ایفا ایدوب معاملاتدہ برانتظامسزلق
والم حسن ایدلمدیکی تقدیردہ حیات بشرک منتظم بر شکلدہ حرکت ایتدیکنہ قائل اواق ایجاب
ایدر . انسانک بالجمہ اعضای آرسندہ انتظام و آہنکک موجودیتی شخصک افعالیلہ آکلاشیلیرہ

شخصك افعالی یا بذاته وقوع بولور ویا برتحريك خارجي ايله وقوعه کلیر .
 افعالك بذاته وقوع بولسی دخی خارجی تاثیراتدن بستیون آزاده اولمسی دیمك اولیوب
 بلنکه چوق دفعه لر اوته دنبری استحصال ایدیلرک طوبالانمش استحصالانك بردنبره خارجه
 چیقارلمسی صورتيله وقوع بولورکه بو شکله کی افعال شخصیه به بذاته حرکت دیمك پک
 ظاهری اولور .

تحريك خارجي ايله وقوع بولان افعاله کنججه عمومیتله شدید بر تجاوززه قارشو یا بیلان
 و حیات و نفسی مدافعه کبی بعضاً سرت بر صورتده اظهار ایدیلن افعال در .

کرك بذاته وکرك بر تحريك خارجي ايله وقوع بولسون افعال انسانیه هر شخصك
 دوشونجه و تفکرانته کوره بشقه بشقه شکله وجود بولور عمومیتله افعالك وجود
 بولمسنده عامل اولان عناصره ؛ تحریکه کوره وقوع بولان فعلده دیکشیر .

انسان یشاق ایچون دوشونمکه محتاج اولوب دوشونمکه حیاتی تنظیمه اولچوب
 دوشونجه لرینی تعدیل و اصلاحه و حرکات و معاملات و بیانی هم جنس لريله یا بدینی ایشلرینی
 بر آهنگه اویدرمغه موفق اولور . شخصی حرکاتی دوشونجه لرینی حاصل ایتدیکی تجاریه
 کوره تعدیل و اوکا تنظیم ایلر .

انسانك حرکات و تعلاتنده حاکم و ناظم اولان شوقوت و واسطه لر ؛ اختلاله اوغرا دینی
 حالدله انتظامنده عامل و مؤثر اولان موازنه بی فائب ایتمکه کرك اعضا و کرك تحسسانی آره سنده کی
 آهنگ مختل اولور . و کندی حواسيله عالم خارجی آره سنده کی آهنگدار مناسبت ده بالطبع
 بوزولور . و بالطبع شواختلالک درجه سنه کوره قسماً و یا تماماً حیات اجتماعی بشره ،
 محیطه ، و حیات عضویه قارشو اجنبی و بیگانه قالیر . ایشته بو آدم بردلی در .

جنت بالخاصه شخصك سربست حرکات خارجیه سندن ، عمومی و خصوصی درجه
 تآزندن ، حدت و نشه سندن دوشونجه لرندن ظاهر اولور .

سربست حرکات خارجیه ده کی اختلال ، شخصك هم جنس لريله اولان مناسبتانده حزن
 و کدرندن افرازانك منتظم صورتده اجرا ایدلمه سندن آکلایشیلیر .

عمومی و خصوصی درجه تأثیری ده افراط ايله تفریط آره سنده بر موقع اخذ ایدر .
 بعقلانی منتظم اولمادینی جهتله معاملات خارجیه بعضاً کندیسینی هیچ متأثر ایتمز بعضاً ده
 هیچ اهمیتسز برشی کندیسینه فوق الحد هیجان ویریر .

دوشونجه لرینه کنججه ؛ تشکلات عمومییه سنده کی عدم انتظام دوشونجه لرینی قارشیق

بر حاله صوقار . تعقلات كاه تماماً طورور وكاه مفرط بر صورتده حركت ايلر ، فكر لرنده
انتظام و آهنگ بولماز ، تعقلاتنده خلقك اكثريتك دوشونجه لرينه مخالف اوله رقياكلش
تلقا لر حاكم اولور .

خلاصه خطوط اساسيه سي ايضاح اولنان جنتك اعراضى اوج شكلده تظاهر ايدر :
(۱) Manie : فكر ثابت ، قسماً جنت اولوب خيال دائماً بر فكر نايته اسير قالير .
كولنج و غريب اعتيادانه باغلاشق كى عموميت اعتباريله ايكي شكلده تظاهر ايلر . يادوشكون
بر شكل آليركه بوكا بسيطده دينير . بالعكس متجاوز بر شكل ده تظاهر ايدر . بوكا
delie mainiaque تعبير اولنور .

يوايكه نجي شكلده كى دلى لر دائماً متجاوزدر
ايكنجيسى Lypémanie يا خود ملان قولى در كه عموميتله مجنونك دوشكونلكي شكلنده
كورينير . ساكن و غير ساكن بروضعيتده بولنه بيلير بونده ابتدا دوشكونلك دن باشلامق
صورتيله خيالات كورمك hallucinaion قره سودا hypocondrie كى اشكال مختلفه سي
اولور .

نهايت اوچنجيسى هزيان در كه systematisation de l'irante افعال خارجيه دن متأثر
اولمق صورتيله قواى عقليه نك مصاب اولمى در .

برده قواى عقليه نك انخسافى وارد در كه بوده عته Demeuce ديديكمز حال مخصوص در .
عته قواى عقليه نك انخسافى تماماً ويا قسماً اوله بيلير .

عته بعضاً مجنونده اولور . بوتقديرده كنديسنگ چيلديرتيجي افكارى براز دهها
كسب سكونت ايدر معقول فكرلرى دهها قاريشيق بر حاله كان . حافظه سي دهها ضعف
پيدا ايلر . خاطراتنه لاقيد قالير .

بعضاً تام العقل كيمسه لرده وقوع بولور كه اول قواى عقليه سنه ضعف طارى اولمق
صورتيله ابتدار ايدر و نهايت ده بالجمله قوتلرى انخساف ايلر . ويواش يواش انخساف
ايلر و ليهرك آزمان صكره فكر و عقل ايله وجوده كله بيله جك برايش ياپاماز .

عته اول تفكرات و تعقلاتنده واقع اولان تشوش يواش يواش لسانده سر ايت
ايدر . معقولهرك هر برينك كندينه كوره براعتيادى اولوب بعضيسى بورور بعضيسى
ساعتلرجه ساكت و عاطل بر محله قالير .

عنه بر قاج قسمه آریله بیلیر « عته شبانی » پورغونلق وهیجان نتیجه سنده کنج لرده وقوع بولور .

D. vésénarique مجنونلرده وقوع بولور .

عته شیخی یاش ایلرولاجکه وقوع بولان عته در که عضوی معنوی بر چوق اسبابدن دولایی قوای عقلیه انحساف ایدر برده سیمی D. toxique وارد در که آلقول ، توتون ، افیون وسائر نك فضله استعمالی صورتیه وقوع بولور . اشبو عته ا اکثریتله ارثی در .
عته انواعنده خسته لنگ سیری عمومیتله بر در لودر و اکثریتله مریض قوای جسمانیه سنی یواش یواش استعمال ایتک خاصه سنی غائب ایدر مع مافیة معوهلر اکثریتله اوزون یشایه بیلیر لر .

اسکی قانون جزا ۴۱ نجی ماده سنده فرانسز قانونندن اقتباساً یالکزر جنت دیهرک جنتک نهدن عبارت اولدینی اهل فقه بر اقمش ایسه ده یکی واضع قانون بالاده ایضاح اولدینی وجهله مسؤولیت جزائیه یی رافع بولان جنتی بر در حیه قدر تعیین ایتک ایسته مشدر .

قانون حاضرک متنده استعمال اولنان تعیرات مهملدر .

بر کره ایطالیان قانوننک متنده موجوده اختیار و اراده سنده کی سربستی یی سلب ایتدیر نه جک ، فقره سی یرینه « حرکاتنک سربستیسنی سلب ایده جک » شکلنده قبول اولنان فقره نك ناقص اولدینی قناعتند یزه اختیار و اراده ، هم حرکت هم ده ترک و اهل دن عبارت اولان بالعموم افعال جزائیه یه تطبیق ایدیه بیلدیکی حالده « حرکات » تعیری اولسه اولسه یالکزر افعاله مقصور قالیر .

کذلک ایطالیان قانوننک ینه عینی فقره سنده موجود « مرضی حالت عقلیه یه » تعیری قانونک متن حاضر نده « روحی ضعفه » ترکیبیه ترجمه ایدل مشدر که قناعت مزجه روح قانونندن تماماً آیریلشدر . روحی ضعف ایله مرضی حالت عقلیه نك عینی شیلر اولدینی هیچ بر طیب ادعا ایده من .

قانونک ۴۱ نجی ماده سنده شوصورت ترجمه نك اختیاری قناعت مزجه ایطالیان قانون جزاسنک ۱۳۲۵ تاریخنده وجوده کتیر یلان یا کلش ترجمه سندن النمسندن ایلری کلشدر . حقیقه مذکور لایحه نك (۴۷) نجی ماده سنده « حین ایقاع جرمدن شعور یی وسربق حرکاتی سلب ایده جک صورتده مرضی عقلیه ابتلا اهلیت جزائیه یی رفع ایدر » دینمکده در .

برده ابتلا کله سنک تمام برنده استعمال ایدلدیکی ده ظن ایتیموروز. ابتلا کله سی مقسمه
(دوچار) تعبیری دهها مناسب تلقی اولنه بیلیردی .

قانونک عباره سندن تام دلی لرایله روحی ضعف دولا یسیله معتوهرلک وانواعنک ۴۶ نجی
مادهنک دائره شموله کیرمک صورتیله مسئولیت جزائییه دن وارسته قاله جنی اکلایلیر .
کرچه «روحی ضعف» حرکاتنک سربستیسینی سلب ایدمک قیدیله مقید ایسه ده
بالاده ایضاح اولندینی اوزره «اختیار و اراده» تعبیری مقامنه استعمال اولسان حرکات
تعبیری بک آرزو ایدلدیکی درجه ده اغیارینی مانع و اطرافنی جامع دکادر .

قانون جزامن ۴۷ نجی ماده ایله «مسئولیت جزائییه نک قسماً رفع ایدلمسی اساسنی ده
قبول ایتشدرد . حقیقه» بالاده ایضاح اولندینی وجهله مسئولیت جزائییه نی رفع ایدمک
مرضی حالت روحیه تام برشکده اولیوب فاعلک تفقلا نی نقصان بولمغله برابر موجود
بولندینی حالده اسکیدن اولدینی وجهله حاکمک تقدیریه مسئولیت جزائییه نی تخفیف ایتمکدن
ایسه اسباب محفقه قانونیه اوله رق جزا تخفیف ایدلمک ایجاب ایدر :
حال جنتک نتایجی :

(۱) فعلک ایضاعی صره سنده مسئولیت جزائییه نی تماماً رافع مظنونک حالت جنت ده
بولندینی اکلایلدیغی تقدیرده کرک تحقیقات حاکمی و کرک محکمه درحال اولکیسی منع
حاکمه وایکنجیسی عدم مسئولیت قراریه تحقیقات و محاکمه ختام ویرمک مجبوریتنده درلر .
بناءً علیه مستتطق مظنونک فعل حال جنتده ایقاع ایتدیکنه واقف اولدیغی تقدیرده
درحال منع محاکمه قراری ویرمک مجبوریتنده در .

(۲) فعل جرمی نی ایقاع ایتدیکی اناده حال جنتده بولندیغی تحقق ایدن مظنونک درحال
تخلیه سبیلنه قرار ویریلیر مع مافیه ۴۶ نجی ماده نک ۲ نجی فقره سی موجبجه «عدم مسئولیتنه
قرار ویریلن شخصک سربست براغیل مسنده تهلیک اولدیغی محکمه جه تقدیر ایدیلیر سه حقنده
معامله قانونیه اجرا اولونجهیه قادر محافظه ایدلمک اوزره طائد اولان مقامه تسلیمنی محکمه
امرا ایدر .»

بوخصوصده صلاحیتدار اولان مقام صالح حاکمی اولوب مجنونه بروصی تعیین اولنور
قانون مدینک ۳۵۵ نجی ماده سی ایله وصایت حقنده کی دیگر احکامه توفیقاً مجنون حجر
اوله رق بر مؤسسه یه قونور .

(۳) عدم مسئولیت ویا منع محاکمه سنه قرار ویریلن مظنون حقنده جزا تطبیق اولنه ماز .

ايسټر بکھر و کبه لړک آن هيجاننده ارتکاب ايتديکي افعالده ۴۷ نجی ماده موجبجه مسؤليت مخففه قاعده سي تطبيق اولنق ايجاب ايدر .

بوندن ماعد او اضع قانون ساخر و ديلسزلر حقنده ۴۷ نجی ماده ده موضوع بحث حکمدين خارج اوله رق جزائک تخفيفي آمر احکام وضع ايتمش اولمظه ۵۷ و ۵۸ نجی ماده لړ احکامی دائره سنده حرکت اولنق ايجاب ايدر .

سر خوشلنک مسؤليت جزائيه تاثيری ۴۸ نجی ماده ده تصريح اولمشدر .
اختيار و آرزو خارجنده وقوع بولان سر خوشلنک دولانی فاعل جرم حقنده خسته لنک درجه سه كوره ۴۶ و ۴۷ نجی ماده لړک تطبيق اولنه جفی کو - ترلش فقط اختیاری سر خوشلق حالنده ايشله ن فعللر حقنده مسؤليت جزائيه نك تمام ده اولديفی ابروجه ماده نك فقره اخيره سنده تصريح ايدمشدر .

